

rebusque suis prospicere valeat. Caeterum eandem dominationem vestram feliciter vivere et valere euperemus. Viennae die 8. martii 1699.

Generosae dominationis vestrae

servitores addicti

N. N. Cancellarius etc.

Domino Francisco Sötér vicecomiti Pestiensis.

Manu aliena: Bakos.

A tergo: 90 - 8. Martii

Francisco Söttér communicatur decretum consilii bellici in facto spolii et praedonii erga colonellum comitem Marsigli patrati.

Martius 1699.

Originales in archivo Regni Hungariae, Budapestini, sub signatura: Conc. Exp. N. 90. ex martio 1699.

9.

1699. marzo 23. Vienna.

Cancellaria regia hungarico-aulica ad consilium aulae bellicum, contra vicecomitem comitatus Pest, Franciscum Sötér, qui in persecendis praedonibus, qui comitem Marsili spoliaverunt, negligens fuit.

Sacratissimae caesareae regiaeque maiestatis excelso consilio aulae bellico hisce officiosissime notificandum. Iuxta tenorem nuper praelibati consilii bellici decreti in facto praescitae aggressionis et spolii in personam altefatae suae maiestatis sacratissimae camerarii et colonelli domini Ludovici comitis de Marsigli haud ita pridem nefarie patrati, ad cancellariam regio-hungaricam aulicam exarati exprobatam fuisse domino vicecomiti comitatus Pestiensis, Francisco Sötér in persecendis praedonibus segnitiam et remissionem; occasione cuius, qualiter idem innocentiam suam in suis ad cancellariam hanc regio-hungaricam aulicam datis remonstret et simul in praeinsuato persequendorum latronum puncto sedulitatem potius et singularem solertiam, quam remissionem prolixius deducat, casumque illum Marsiglianum dilucidet, ex acclusis literarum eiusdem copiis uberius intellecturum est, memoratum consilium aulae bellicum, quod ipsum eidem consilio bellico eo fine cancellaria haec communicandum esse duxit, ne vir ille alias bonae existimationis et bene possessionatus praeter aequitatem et juris ordinem pacto quopiam aggravetur et dammificetur. Caeterum cancellaria haec regia hungarica aulica ad exhibenda quaevis praerepetito consilio aulae bellico gratissimorum officiorum studia manet semper paratissima.

Ex consilio cancellariae regiae hungaricae aulicae,
Viennae, die martii, 1699.